

## **PRAVILA NAGRADNE IGRE**

### **„Back to school and work“**

#### **1. OSNOVNE INFORMACIJE O PRIREĐIVAČU NAGRADNE IGRE**

Priređivač nagradne igre (u daljem tekstu: Organizator) je ASA Banka d.d. sa sjedištem u Sarajevu, Trg međunarodnog prijateljstva 25, JIB 4218250930003.

#### **2. NAZIV NAGRADNE IGRE**

Naziv nagradne igre je „Back to school and work“.

#### **3. TRAJANJE I SVRHA PRIREĐIVANJA NAGRADNE IGRE**

1) Nagradna igra traje u periodu od 28.08.2025. godine do 07.10.2025. godine, a priređuje se u svrhu realizacije promotivnih i edukativnih aktivnosti, te povećanja angažmana postojećih i potencijalnih klijenata.

2) Nagradna igra se organizuje na teritoriji Federacije Bosne i Hercegovine.

3) Organizator će prije početka nagradne igre, objaviti Pravila nagradne igre u jednim dnevnim novinama dostupnim na teritoriji Federacije Bosne i Hercegovine, i navesti broj i datum Rješenja Federalnog ministarstva finansija, kojim je data saglasnost na ova Pravila.

4) Organizator će obezbijediti sve preduslove tokom trajanja ove nagradne igre, kojima će u najvećoj mogućoj mjeri omogućiti obavezno izvlačenje dobitnika svih nagrada i podjelu cjelokupnog nagradnog fonda.

5) Organizator će nagradnu igru provesti pod uslovima, koji su u skladu i sa drugim zakonskim i podzakonskim propisima i opštim moralnim načelima.

6) Za vrijeme trajanja nagradne igre, pravila će biti dostupna i na web stranici Organizatora [www.asabanka.ba](http://www.asabanka.ba).

#### **4. USLOVI UČESTVOVANJA U NAGRADNOJ IGRI**

1) Pravo učešća u nagradnoj igri imaju punoljetna fizička lica, vlasnici kartica ASA Banke, koja u periodu od 28.08.2025. godine do 07.10.2025. godine urade slijedeće:

- obave transakciju u minimalnom iznosu od 50,00KM kod odabranih partnera kampanje (Dresscode, Sport Vision i Sport Reality, Svjetlostkomerc, Univerzalno, Gema) u periodu od 28.08.2025. godine do 30.09.2025. godine
- tačno odgovore na sva kviz pitanja koja će učesnicima koji ispune prvi uslov biti dostavljena putem Viber poruke. Viber poruka će biti isporučena 03.10.2025. godine, klijentima koji su obavili transakciju kod partnera u minimalnom iznosu od 50,00KM u periodu od 28.08.2025. do 30.09.2025. godine.

2) Učesnici će imati rok od 5 (pet) dana da odgovore na pitanja.

3) Klijenti koji su ispunili oba uslova, obavili transakciju u minimalnom iznosu od 50,00KM kod odabranih partnera i tačno odgovorili na sva pitanja kviza, ulaze u bazu za izvlačenje dobitnika.

4) U slučaju nedovoljnog broja učesnika, minimalno 5, koji su odgovorili tačno na sva pitanja kviza, dobitnici će se birati po osnovu ispunjenog prvog uslova za učestvovanje, obavljene minimalne transakcija u iznosu od 50,00KM kod odabranih partnera.

5) Izvlačenje dobitnika će biti održano 13.10.2025. godine u 14:00h.

6) Dobitnici nagradne igre će biti objavljeni 15.10.2025. godine u 15:00h putem web stranice ASA Banke i društvenih mreža.

7) U nagradnoj igri ne mogu učestvovati uposlenici Organizatora, članovi njihove uže porodice, kao ni maloljetna lica.

8) Učestvovanjem u nagradnoj igri učesnici prihvataju ova Pravila nagradne igre.

## 5. NAČIN IZVLAČENJA DOBITNIKA NAGRADA

1) Izvlačenje dobitnika će biti na osnovu nasumičnog odabira i održat će se u prostorijama Organizatora na adresi Trg međunarodnog prijateljstva 25, Sarajevo, u prisustvu tročlane komisije, na dan 13.10.2025. godine

3) Za svaku nagradu će biti izvučen i po jedan alternativni dobitnik, koji se smatra dobitnikom u slučaju da prvobitnog dobitnika nije moguće obavijestiti o osvajanju nagrade u roku od 8 dana, zbog pogrešnih ili neažuriranih kontakt podataka u sistemu Organizatora.

## 6. FOND NAGRADA

1) Nagradni fond se odnosi na slijedeće nagrade:

| Red. Br.                       | Nagrada              | Pojedinačna vrijednost nagrade sa PDV | Količina | Ukupna vrijednost sa PDV |
|--------------------------------|----------------------|---------------------------------------|----------|--------------------------|
| 1.                             | TV Samsung LCD Smart | 849,15KM                              | 5        | 4.245,75KM               |
| <b>UKUPNA VRIJEDNOST FONDA</b> |                      |                                       |          | <b>4.245,75KM</b>        |

2) Nagradni fond se ne može zamijeniti za novac. Dobitnik nema pravo zahtijevati drugačiju nagradu ili nagradu čija vrijednost prelazi iznos naveden u ovom članu Pravila.

## 7. SASTAV KOMISIJE ZA IZVLAČENJA NAGRADA

(1) Organizator će imenovati Komisiju (najmanje tri člana), koja će nadgledati regularnost javnog izvlačenja dobitnika.

(2) U toku izvlačenja Komisija će voditi zapisnik koji će minimalno sadržavati:

- a) mjesto, vrijeme i način izvlačenja dobitnika
- b) broj i datum Rješenja Federalnog ministarstva finansija
- c) datum i naziv medija u kojem su pravila nagradne igre objavljena
- d) imena i prezimena članova komisije
- e) imena, prezimena i adrese dobitnika
- f) naziv i vrijednost nagrade pojedinog dobitnika

## 8. NAČIN OBAVJEŠTENJA I OBJAVLJIVANJA DOBITNIKA NAGRADA

1) Organizator je dužan najkasnije u roku od 8 dana od dana izvlačenja, obavijestiti dobitnike o osvojenim nagradama.

2) Rezultati nagradne igre i imena dobitnika nagrada biće objavljeni na društvenim mrežama (FB i IG) i web stranici Organizatora [www.asabanka.ba](http://www.asabanka.ba).

3) Ukoliko zbog okolnosti za koje nije kriv Organizator (učesnik se ne nalazi na navedenoj adresi, vanredne okolnosti i sl.), nije moguće obavijestiti dobitnike nagrada, Organizator će postupiti u skladu sa članom 11. Pravilnika o sadržaju pravila, uslovima i načinu priređivanja nagradnih igara.

## **9. MJESTO I ROK ZA PODIZANJE NAGRADA**

1) Dobitnici će preuzeti osvojene nagrade u dogovoru sa Organizatorom, a najkasnije 30 dana od dana prijema obavijesti o osvojenoj nagradi.

2) Ukoliko je dobitnik osoba sa posebnim potrebama, nagrada će biti uručena staratelju s kojim ta osoba živi, pri čemu je staratelj dužan priložiti validnu dokumentaciju, odnosno dokument kojim dokazuje status staratelja.

3) Ako dobitnik u roku od 30 dana od dana prijema obavijesti o osvojenoj nagradi, ne preuzme osvojenu nagradu, gubi pravo na nagradu, a Organizator će postupiti u skladu sa članom 11. Pravilnika o sadržaju pravila, uslovima i načinu priređivanja nagradnih igara.

4) Prilikom preuzimanja nagrade dobitnik potpisuje Izjavu o preuzimanju nagrade.

5) Organizator je odgovoran za pravovremeno i tačno informisanje učesnika u nagradnoj igri o njegovim pravima i obavezama kod preuzimanja nagrada. Odgovornost organizatora nagradne igre, ne prestaje u slučaju kada je dobitniku uručena nagrada koja predstavlja uslugu, a realizaciju iste vrši drugo lice.

6) Organizator ne preuzima nikakvu odgovornosti za bilo kakvu štetu koja bi eventualno nastala kao posljedica nakon preuzimanja ili korištenjem proizvoda iz nagradnog fonda.

7) Porez na dohodak na nagradu ostvarenu učešćem u nagradnoj igri, obračunat će se u skladu sa propisima o porezu na dohodak. Prilikom preuzimanja nagrada, u slučaju da vrijednost nagrade podliježe obavezi plaćanja poreza, Organizator će na sebe da preuzme obavezu plaćanja poreza na dohodak.

## **10. USLOVI POD KOJIM SE NAGRADNA IGRA MOŽE IZMJENITI, PREKINUTI ILI OTKAZATI**

1) Pravila nagradne igre ne mogu se mijenjati nakon što je nagradna igra počela, osim ukoliko za to postoje opravdani razlozi ili zbog nastupanja okolnosti više sile.

2) U slučaju prekida ili otkazivanja nagradne igre usljed nastupanja vanrednih okolnosti, Organizator će o navedenom obavijestiti Federalno ministarstvo finansija.

3) Federalno ministarstvo finansija daje saglasnost na izmjenu pravila igre, prekid i otkazivanje nagradne igre, ukoliko su razlozi zbog kojih se traži dokazani od strane Organizatora ili opštepoznati, a Organizator će učesnike o navedenom obavijestiti na isti način na koji su objavljena ranije odobrena Pravila nagradne igre.

4) Ukoliko nagradni fond nakon završetka nagradne igre ne bude podijeljen učesnicima na način predviđen Pravilima ove nagradne igre (usljed isteka roka za podizanje nagrada, nepostojanje dovoljnog broja učesnika i sl.) ili zbog eventualnog prekida odnosno otkazivanja igre usljed dejstva okolnosti koje imaju karakter više sile, Organizator će nagradni fond prodati, a sredstva ostvarena prodajom uplatiti ravnomjerno na račune humanitarnih organizacija navedenih u članu 17. stav (1) Zakona o igrama na sreću.

## **11. KORIŠTENJE LIČNIH PODATAKA**

1) Učešćem u nagradnoj igri, učesnici potvrđuju prihvatanje ovih Pravila i daju saglasnost Organizatoru da prikuplja i obrađuje navedene lične podatke isključivo u svrhu provođenja ove nagradne igre i na način kako je to opisano u ovim Pravilima. Prikupljeni lični podaci koriste se za samo evidenciju Organizatora.

2) Organizator je odgovoran za obradu podataka u skladu sa propisima o zaštiti ličnih podataka, i poduzeti će sve potrebne mjere da bi se osiguralo sigurno korištenje i obrada ličnih podataka učesnika u nagradnoj igri i u skladu sa važećim propisima, a učesnici imaju pravo da budu informisani o činjenici da se podaci prikupljaju i da budu upoznati sa podacima.

3) Učesnik u nagradnoj igri je odgovoran za davanje tačnih podataka Organizatoru, u cilju provođenja ove nagradne igre.

4) Učesnici prihvatanjem ovih Pravila daju svoju saglasnost da, ako postanu dobitnici nagrada, organizator može proslijediti njihove lične podatke trećim licima (odabranoj dostavnoj službi isključivo u svrhu dostave osvojene nagrade u nagradnoj igri, u računovodstvene svrhe radi eventualnog plaćanja poreza na dohodak), isključivo u svrhu provođenja ove nagradne igre.

5) Svojim učešćem u nagradnoj igri učesnici su saglasni da, ako postanu dobitnikom nagrade, njihove lične podatke (ime i prezime) Organizator može objaviti i iskoristiti bez naknade u štampanom, zvučnom i slikovnom obliku te videozapisu. Učesnici nagradne igre svojim učešćem pristaju na prikupljanje, upotrebu i objavu njihovih ličnih podataka navedenih u korisničkom profilu u promotivne svrhe povezane s nagradnom igrom i proizvodima koji su uključeni u nagradnu igru.

6) Organizator će lične podatke učesnika čuvati onoliko vremena koliko je to potrebno za potpunu realizaciju ove nagradne igre.

7) Učesnik može u bilo kojem trenutku povući svoju saglasnost za obradu ličnih podataka dopisom na adresu Organizatora, i prihvata da takvo povlačenje saglasnosti uzrokuje nemogućnost daljnjeg učešća u nagradnoj igri.

## **12. NADLEŽNOST SUDA**

1) Sve žalbe, prigovore i reklamacije rješava Organizator nagradne igre. U slučaju opravdanih pritužbi, Organizator se obavezuje da će ih otkloniti u najkraćem mogućem roku i obavijestiti učesnika.

2) Svi eventualni sporovi između Organizatora i učesnika odnosno dobitnika rješavaće se sporazumno.

3) U slučaju da spor nije moguće riješiti sporazumno, isti rješava materijalno nadležni sud.

Broj protokola: 13-7944/25

Sarajevo, 28.07.2025. godine

Rješenje Federalnog ministarstva finansija

Broj: UP-05-12-1-819/25 od 14.08.2025. godine